



SULEQATIGIISITSISUT  
SAMARBEJDSPARTIET  
UPA2019/22  
Tillie Martinussen

25. marts 2019 – Siullermeerneqarnera

**Siunnersuut uunga: Isiginnaartitsisarfeqarneq pillugu Inatsisartut inatsisaata allanngortinnera pillugu Inatsisartut inatsisaat nr. xx, xx. xxx 2019-imeersoq.**

(Ilinniartitaanermut, Kultureqarnermut, Ilageeqarnermut Nunanullu Allanut Naalackersuisoq)

Siullermik inatsit manna assut tigulluarusuppara Kalaallit Nunaata Isiginnaartitsisarfiata nammineq kissaataanut tulluarmat taamaasilluta politikkikkut samminerulerniassagatsigu taamatullu eqqumiitsuliorneq kulturilu isumaqatigiinniutigisarlugu. Aamma isumaqarpugut periarfissarsiuunneqartariaqartup isiginnaartitsisarfiup sinerissamut apuuttarsinnaanissaa aamma atuarfinnut isiginnaagassialiatik takutikkiartorlugit. Kalaallit Nunaata tamarmik isiginnaartitsisarfigaa aamma siammarterinermi tamanna takuneqarsinnaasariaqarpoq. Paasisinnaavarput immikkoortumut aningaasaliissutigisinnaasagut taamaakkallartillugit suut tamarmik sinerissamut anngunneqarsinnaanngimmata, taamaakkaluartorli kaammattuutigerusupparput isiginnaartitsissusiat ilaasa filminngortinneqarsinnaaneri taamaalillutalu tamanut takusassiaralugit.

Pisinnaatitaaffiit pisiarinissaannut qularnaarnissaannullu il.il. tunngatillugu ilungersunartoqarpoq arlariinnik isumaqarpugilli suliniutigineqarneri ingerlanneqaannartariaqartut.

Aamma isumaqarpugut eqqumiitsuliorneq kulturilu nunatsinni ilungersuunnerusariaqarigut. Ilaatigut eqqumiitsuliornerup niuerutiginerunissaa, ilinniartitaanerup qaffassarnissaa, siammarterisarneq kiisalu eqqumiitsuliorlut kulturilerisullu akileraartarnikkut oqilisaavigineqarnissaat suliasanun ilaapput pingaarutillit oqilisaaniarnermut atatillugu. Qularutigineqassanngilaq nunarsuup sinnerata kulturilerisugut tikilluaqqulluarumaarmatigit, nipilersorneq, filmiliorneq, assilialiorneq allatigulluunniit eqqumiitsuliorneq kulturikkullu avitseqatigiinnerit pineqaraluarpata. Paarilluartaqarpagut aamma ikiofartueqataalluta ikiuuttariaqarpugut.

Eqqumiitsuliorneq kulturilu taakkuupput nunarsuup sinnerani iluatsitsilluarfigerpaasagut, arajutsineqarajuttarporli eqqartoraangatsigit suliniutillit, aallarnisaasartut aamma inuit nukissallit. Imaassinnaavoq pissutaaginnartoq eqqumiitsuliorortatta pikkorippallaarnerit. Perruualaarutigerujussuartaqarpagut. Inuiaqatigiit ikittunnguugaluarluta akornatsinniippat eqqumiitsuliorortorpassuit, innuttaasut amerlassusaannut naleqqiullugu amerlaqisut aamma taakku ilarpasui piginnaaneqaleriartortarput atuartinneqalaaginnarlutik imaluunniit sulilaaginnarlutik imaluunniit attaveqalaaliinnarlutik iluatsitserujussuarsinnaasarput.

Naalackersuisut Kalaallit Nunaatalu Isiginnaartitsisarfia nersualaarusuppagut suliap ingerlaqqinnissaanut siulersuisunik assigiinngitsunut piginnaaneqarluartunik toqqaasimmamata, tassanilu inuutissarsiortut ilanngunneqarsimmamata.



SULEOATIGIISSITSUT  
SAMARBEJDSPARTIET

Soqutiginarpoq takussallugu eqqumiitsuliortut inuutissarsiortullu ikioqatigiissinnaanersut taamaasullutillu pilersillugit neqeroorutit inuutissarsiutillu nutaarluinnaat, nunarsuup sinneranut tuniniaasinnaasut aamma nunatsinni takornarianut - imminnut aningaasatigut napatillutik aammali inuutissarsiutitut pioreersunut nassaarniallaqqissuseq eqqullugit.

Pissanganaq.

Isumaqatigiinniartarnek eqqummaariffiuli, artornarpallaaluatsiarsinnaavormi pineqartunut, qitisumik immaqa ingerlanneqarsinnaavoq najukkani pinngikkaluarlugu - aningaasanilli isumaqatigiinniutissaqartariaqarput siammarteralunilu sapinngisaq naapertorlugu. Immikkoortuuvoq sukkasooujussuarmik siuariartortoq taamaammat ullutsinnut naliginnaasumut pingaarutilerujussuuvoq.

Taamatut naatsumik oqaaseqarluta siunnersuut ataatsimiititaliamut susassaqartumut ingerlateqqipparput neriullutalu inerititaqarluartussamik susassaqartut oqaloqatigilluarneqarumaartut.

Nunatsinnut pingaaruteqarluinnarpoq uummaarissumik ilisarnartumillu Isiginnaartitsiveqarnissarput, tamannalu aalajangiusimasariaqarparput.

Naggasiutigilara issuaaneq eqqumiitsuliornerup susinnaaneranut, André Malraux issuarlugu isumaqarama ersersilluaraa qanoq pingaaruteqartigisoq - aamma illuatungiliimmat inuiaqatigiinni ileqqunut attanneqartunut:

"Eqqumiitsuliorneq tamarmi inuup atugaanut tamanut pikitsitsineruvoq".

Takujuarparput.

Eqqumiitsuliorneq tarrarsortitsissaaq, eqqumiitsuliorneq ilungersortitsisinnaavoq aamma aporfinnik ammaatiterisarpoq, oqaatsit aamma isornartorsiuneq aamma avatangiisigut pinnerusunngortittarpai.

Qujanaq oqaaseqarsinnaagama.